

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA**

Služba za prostorno uređenje i zaštitu okoline

Broj: 06/5-19-18737-2023-MN

Tuzla, 05.12.2023. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 11.12.2023			
Org. jed.	Broj	Priloga	Vrijednost
05/1	- 02 -	424	23

Predstavnički dom Parlamenta FBiH

PREDMET: Izjašnjenje na poslaničko pitanje, dostavlja se:-

(Veza: Vaš akt broj: 05/1-02-424/23 od 06.11.2023. godine)

Poštovani,

Služba za prostorno uređenje i zaštitu okoline Grada Tuzla (u daljem tekstu: Služba) je dana 22.11.2023. godine, zaprimila vaš akt, broj i datum navedeni u vezi, kojim zahtijevate Izjašnjenje na poslaničko pitanje Čavalić Admira, zastupnika u Predstavničkom domu Parlamenta FBiH, a koje glasi: „Zanima me da li su se radile sigurnosne procjene (po ljude i okoliš) u vezi lokacije budućeg Gradskog groblja Drežnik?“. U vezi sa naprijed navedenim obavještavamo vas o sljedećem:

Po prijemu naprijed navedenog poslaničkog pitanja izvršen je uvid u službenu evidenciju, zatim u prostorno-plansku dokumentaciju, te u pozitivne zakonske propise. Na osnovu navedenog utvrđeno je da je odredbama člana 13. Zakona o prostornom građenju i uređenju TK ("Službene novine Tuzlanskog kantona", broj: 6/11, 4/13, 15/13, 3/15, 2/16, 4/17 i 22/22) (u daljem tekstu: Zakon) propisano sljedeće: „Površine namijenjene za sahranjivanje utvrđuju se prostornim planom općine ili urbanističkim planom, odnosno odlukom o provođenju istih.“

Dalje, razmatrajući važeću prostorno-plansku dokumentaciju – Prostorni plan Grada Tuzla za period 2010. -2030. godine („Sl. glasnik Grada Tuzla“: 3/14, 7/18, 2/19, 8/19, 8/20 i 2/21) utvrđeno je da se shodno istom predmetna lokacija nalazi u obuhvatu prostornih cjelina „DREŽNIK“ gradsko groblje, sa utvrđenim režimom građenja I stepena, u okviru detaljnog planskog dokumenta Regulacionog plana Centralnog gradskog groblja „Drežnik“ („Sl. glasnik Grada Tuzla“, broj: 7/13, 8/19 i 5/19) (u nastavku teksta: Regulacioni plan).

Uvidom u naprijed navedeni Regulacioni plan utvrđeno je da je nakon donošenja Odluke o izradi Regulacionog plana od 24.12.2010. godine usvojen Nacrt Regulacionog plana, te je isti dostavljen nadležnim institucijama, i to: JP Autoceste FBiH, BH Telecom d.d. Sarajevo, Elektroprenos a.d. Banja Luka, Islamska zajednica u BiH, Društvo arhitekata TK i Agencija za vodno područje rijeke Save Sarajevo. Sve naprijed navedene institucije su, uz određene uvjete i sugestije, dale saglasnost na dostavljeni Regulacioni plan. Pored navedenog, Nacrt Regulacionog plana je bio dostupan za javni uvid, te je u vezi s tim, dana 25.06.2013. godine bila održana i javna rasprava u prostorijama MZ Solana. Prijedlog Regulacionog plana usvojen je na sjednici Općinskog vijeća održanoj dana 08.07.2013. godine.

Prilikom izrade Regulacionog plana izvršen je uvid u izvode iz planske dokumentacije, kojom prilikom je utvrđeno da je Prostornim planom općine Tuzla za period 1986. – 2000./2005 godine („Službeni glasnik Općine Tuzla“, broj: 6/89 i 2/06), kao i Odlukom o njegovom provođenju, lokalitet „Drežnik – Jezero I i II“ utvrđen kao područje rekultivacije, jer se u prethodnom periodu koristio kao odlagalište šljake i pepela. Radovi na rekultivaciji su se odvijali prema utvrđenoj dinamici zapunjavanja. Poslije djelimične konsolidacije šljake i pepela

izvršena je i rekultivacija deponije tako što je ona prekrivena glinovitim materijalom. Lokalno stanovništvo je iskoristilo rekultivisani dio za povrtlarstvo.

Na odlaganom materijalu izvršeno je i ispitivanje radioaktivnosti prirodnih i vještačkih radionuklida i utvrđeno je sljedeće:

- jačina ekvivalentne doze gama zračenja na 1m iznad tla mjereno „in situ“ je u granicama prirodnog fona za ovaj region,
- specifična aktivnost radionuklida u uzorku deponovanog materijala je u okviru prosječnih vrijednosti (mjereno u laboratoriji),
- prema GN-200 deponovana materija pripada prvoj kategoriji.

Služba za prostorno uređenje je, po zahtjevu Gradskog pravobranilaštva Grada Tuzla, za predmetni lokalitet donijela četiri rešenja o urbanističkoj saglasnosti, i to Rješenje broj: 06/6-23-8116-2018 GJB od 03.09.2019. godine, Rješenje broj: 06/6-23-8653-2019-GJB od 10.09.2019. godine, Rješenje broj: 06/6-23-9407-2019-GJB od 08.10.2019. godine i Rješenje broj: 06/6-23-8117-2019-GJB od 23.10.2019. godine. Na osnovu naprijed navedenih rješenja izdata su tri rješenja o odobrenju za građenje, i to Rješenje broj: 06/1-19-2110/20 MS od 21.09.2020. godine, Rješenje broj: 06/3-19-2104/20 MS od 21.09.20220 MS i 06/3-19-2106/20 MS od 16.02.2021. godine.

Shodno naprijed navedenom, utvrđeno je da pozitivnim zakonskim odredbama nije propisano obavezno vršenje sigurnosnih procjena (po ljude i okoliš) kada je u pitanju lokalitet na kojem se planira izgradnja groblja, te da je prilikom izrade navedenog Regulacionog plana, kao detaljnog planskog dokumenta, u potpunosti provedena zakonom propisana procedura (uključujući pribavljanje neophodnih saglasnosti i mišljenja, kao i održavanje javne rasprave), kao i da je navedeni Regulacioni plan usvojen od strane Općinskog vijeća Tuzla.

S poštovanjem,

Obradila: Majda Nurkanović, diplomirani pravnik

DOSTAVITI:

- 1 x Naslovu,
- 1 x evidencija i
- 1 x arhiva

ПОМОЋНИК ГРАДОНАЧЕЛНИКА

Fahrudin Delić, dipl.ing.arh.

